


傳世箴言

第十一冊

大眾文藝出版社

传世箴言

第十一册



诸子粹言

治国篇

道千乘之国，敬事而信，节用而爱人，使民以时。

——《论语·学而》

礼之用，和为贵。

——《论语·学而》

为政以德，譬如北辰，居其所而众星共之。

——《论语·为政》

哀公问曰：『何为则民服？』孔子对曰：『举直错诸枉，则民服；举枉错诸直，则民不服。』

——《论语·为政》

不在其位，不谋其政。

——《论语·泰伯》

子贡问政。子曰：『足食，足兵，民信之矣。』

——《论语·颜渊》

民无信不立。

——《论语·颜渊》

子张问政。子曰：『居之无倦，行之以忠。』

——《论语·颜渊》

季康子问政于孔子。孔子对曰：『政者，正也。子帅以正，孰敢不正？』

——《论语·颜渊》

子路问政。子曰：『先之，劳之。』请益。曰：『无倦。』

——《论语·子路》

先有司，赦小过，举贤才。

——《论语·子路》

上好礼，则民莫敢不敬；上好义，则民莫敢不服；上好信，则民莫敢不用情。

——《论语·子路》

其身正，不令而行；其身不正，虽令不从。

——《论语·子路》

子适卫，冉有仆。子曰：『庶矣哉！』冉有曰：『既庶矣，又何加焉？』曰：

——《论语·子路》

『富之。』曰：『既富矣，又何加焉？』曰：『教之。』

——《论语·子路》

苟正其身矣，于从政乎何有？不能正其身，如正人何？

——《论语·子路》

近者悦，远者来。

——《论语·子路》

邦有道，谷；邦无道，谷，耻也。

——《论语·宪问》

上好礼，则民易使也。

——《论语·宪问》

知及之，仁不能守之，虽得之，必失之。知及之，仁能守之，不庄以莅之，则民不敬；知及之，仁能守之，庄以莅之，动之不以礼，未善也。

——《论语·卫灵公》

天下有道，则庶人不议。

——《论语·季氏》

君子信而后劳其民；未信，则以为厉己也。信而后谏；未信，则以为谤己也。

——《论语·子张》

君子惠而不费，劳而不怨，欲而不贪，泰而不骄，威而不猛。

——《论语·尧曰》

不教而杀谓之虐；不戒视成谓之暴；慢令致期谓之贼；犹之与人也，出纳之吝谓之有司。

——《论语·尧曰》

兵者，国之大事，死生之地，存亡之道，不可不察也。

——《孙子·计》

道者，令民与上同意也，故可以与之死，可以与之生，而不畏危。

——《孙子·计》

将者，国之辅也。辅周则国必强，辅隙则国必弱。

——《孙子·谋攻》

非圣智不能用间，非仁义不能使间，非微妙不能得间之实。

——《孙子·用间》

明君贤将能以上智为间者，必成大功。

——《孙子·用间》

圣人处无为之事，行不言之教，万物作焉而不为始，生而不有，为而不恃，功成而弗居。夫唯弗居，是以不去。

——《老子》第二章

不尚贤，使民不争；不贵难得之货，使民不为盗；不见可欲，使民心不乱。

——《老子》第三章

使夫智者不敢为也。为无为，则无不治。

——《老子》第三章

太上，不知有之；其次，亲而誉之；其次，畏之；其次，侮之。信不足焉，有不信焉。悠兮其贵言，功成事遂，百姓皆谓我自然。

——《老子》第十七章

绝圣弃智，民利百倍；绝仁弃义，民复孝慈；绝巧弃利，盗贼无有。此三者以为文不足，故令有所属：见素抱朴，少私寡欲。

——《老子》第十九章

希言自然。故飘风不终朝，骤雨不终日。孰为此者？天地。天地尚不能久，而况于人乎？

——《老子》第二十三章

善行无辙迹；善言无瑕谪；善数不用筹策；善闭无关楗而不可开；善结无绳约而不可解。

——《老子》第二十七章

知其荣，守其辱，为天下谷。为天下谷，常德乃足，复归于朴。

——《老子》第二十八章

物或行或随，或嘘或吹，或强或赢，或挫或隤。是以圣人去甚，去奢，去泰。

——《老子》第二十九章

以道佐人主者，不以兵强天下，其事好还；师之所处，荆棘生焉，大军之后，必有凶年。

——《老子》第三十章

道常无为而无不为。侯王若能守之，万物将自化。

——《老子》第三十七章

不欲以静，天下将自定。

——《老子》第三十七章

天无以清将恐裂；地无以宁将恐发；神无以灵将恐歇；谷无以盈将恐竭；万物无以生将恐灭；侯王无以贵高将恐蹶。

——《老子》第三十九章

以正治国，以奇用兵，以无事取天下。

——《老子》第五十七章

其政闷闷，其民淳淳。其政察察，其民缺缺。

——《老子》第五十八章

治人事天，莫若嗇。夫唯嗇，是谓早服。早服谓之重积德。重积德则无不克。无不克则莫知其极。莫知其极可以有国。有国之母，可以长久，是谓深根固柢、长生久视之道。

——《老子》第五十九章

治大国若烹小鲜。

——《老子》第六十章

大国以下小国，则取小国。小国以下大国，则取大国。故或下以取，或下而取。

——《老子》第六十一章

大国不过欲兼畜人，小国不过欲入事人。夫两者各得其所欲，大者宜为下。

——《老子》第六十一章

其安易持，其未兆易谋。其脆易泮，其微易散。为之于未有，治之于未乱。

——《老子》第六十四章

江海所以能为百谷王者，以其善下之，故能为百谷王。是以欲上民，必以言下之；欲先民，必以身后之。

——《老子》第六十六章

圣人处上而民不重，处前而民不害。是以天下乐推而不厌。以其不争，故天下

莫能与之争。

——《老子》第六十六章

我有三宝，持而保之：一曰慈，二曰俭，三曰不敢为天下先。慈故能勇，俭故能广，不敢为天下先，故能成器长。

——《老子》第六十七章

民之饥，以其上食税之多，是以饥……民之轻死，以其上求生之厚，是以轻死。

——《老子》第七十五章

受国之垢，是谓社稷主。受国不祥，是为天下王。

——《老子》第七十八章

义国而不存其士，则亡国矣。见贤而不急，则缓其君矣。

——《墨子·亲士》

非贤无急，非士无与虑国。

——《墨子·亲士》

缓贤忘士，而能以其国存者，未曾有也。

——《墨子·亲士》

非无安居也，我无安心也；非无足财也，我无足心也。

——《墨子·亲士》

君必有弗弗之臣，上必有谏谏之下。分议者狎狎，而交苛者谏谏，焉可以长生保国。

——《墨子·亲士》

臣下重其爵位而不言，近臣则暗，远臣则吟，怨结于民心。谄谀在侧，善议障塞，则国危矣。

——《墨子·亲士》

溪陕者速涸，逝浅者速竭，堯塿者其地不育。王者淳泽，不出宫中，则不能流国矣。

——《墨子·亲士》

国有七患……君自以为圣智而不问事，自以为安强而无守备，四邻谋之不知戒，五患也；所信者不忠，所忠者不信，六患也。

——《墨子·七患》

虽上世之圣王，岂能使五谷常收而旱水不至哉？然而无冻饿之民者，何也？其力时急而自养俭也。

——《墨子·七患》

仓无备粟，不可以待凶饥；库无备兵，虽有义不能征无义；城郭不备全，不可以自守；心无备虑，不可以应卒。

——《墨子·七患》

备者，国之重也。食者，国之宝也；兵者，国之爪也；城者，所以自守也；此三者，国之具也。

——《墨子·七患》

以奢侈之君，御好淫僻之民，欲国无乱，不可得也。

——《墨子·辞过》

俭节则昌，淫佚则亡。

——《墨子·辞过》

今者王公大人，为政于国家者，皆欲国家之富，人民之众，刑政之治。然而不得富而得贫，不得众而得寡，不得治而得乱，则是本失其所欲，得其所恶，是其故何也？是在王公大人，为政于国家者，不能以尚贤事能为政也。

——《墨子·尚贤上》

古者圣王之为政也，言曰：『不义不富，不义不贵，不义不亲，不义不近。』

——《墨子·尚贤上》

古者圣王之为政，列德而尚贤，虽在农与工肆之人，有能则举之，高予之爵，重予之禄，任之以事，断予之令。曰：爵位不高，则民弗敬；蓄禄不厚，则民不信；政令不断，则民不畏。举三者授之贤者，非为贤赐也，欲其事之成。

——《墨子·尚贤上》

察天子之所以治天下者，何故之以也？曰：唯以其能一同天下之义，是以天下治。

——《墨子·尚同中》

若苟上下不同义，赏誉不足以劝善，而刑罚不足以沮暴。

——《墨子·尚同中》

助之视听者众，则其所闻见者远矣；助之言谈者众，则其德音之所抚循者博矣；助之思虑者众，则其谋度速得矣；助之动作者众，即其举事速成矣。

——《墨子·尚同中》

知者之事，必计国家百姓所以治者而为之，必计国家百姓之所以乱者而辟之。

——《墨子·尚同下》

上之为政，得下之情则治，不得下之情则乱。

——《墨子·尚同下》

上之为政得下之情，则是明于民之善非也。若苟明于民之善非也，则得善人而赏之，得暴人而罚之也。善人赏而暴人罚，则国必治。

——《墨子·尚同下》

圣人以治天下为事者也，必知乱之所自起，焉能治之；不知乱之所自起，则不能治。

——《墨子·兼爱上》

圣人以治天下为事者，恶得禁止恶而劝爱！故天下兼相爱则治，交相恶则乱。

——《墨子·兼爱上》

仁人之事者，必务求兴天下之利，除天下之害。

——《墨子·兼爱下》

古者王公大人为政于国家者，情欲毁誉之审，赏罚之当，刑政之不过失。

——《墨子·非攻中》

义人在上，天下必治。

——《墨子·非命上》

必使饥者得食，寒者得衣，劳者得息，乱者得治。

——《墨子·非命下》

彼以为强必治，不强必乱；强必宁，不强必危。故不敢怠倦。

——《墨子·非命下》

令，不为所作也。所令，非身弗行。

——《墨子·经、经说上》

政者，口言之，身必行之。

——《墨子·公孟》

王如施仁政于民，省刑罚，薄税敛，深耕易耨；壮者以暇日修其孝悌忠信，入以事其父兄，出以事其长上，可使制梃以挹秦楚之坚甲利兵矣。

——《孟子·梁惠王上》

仁者无敌。

——《孟子·梁惠王上》

推恩足以保四海，不推恩无以保妻子。古之人所以大过人者，无他焉，善推其所为而已矣。

——《孟子·梁惠王上》

今王发政施仁，使天下仁者皆欲立于王之朝，耕者皆欲耕于王之野，商贾皆欲藏于王之市，行旅皆欲出于王之涂，天下之欲疾其君者，皆欲赴诉于王。其若是，孰能御之？

——《孟子·梁惠王上》

君行仁政，斯民亲其上，死其长矣。

——《孟子·梁惠王下》

彼辞知其所蔽，淫辞知其所陷，邪辞知其所离，遁辞知其所穷。生于其心，害于其政；发于其政，害于其事。

——《孟子·公孙丑上》

以力假仁者霸，霸必有大国；以德行仁者王，王不待大，汤以七十里，文王以百里。以力服人者，非心服也；以德服人者，中心悦而诚服也，如七十子之服孔子也。

——《孟子·公孙丑上》

仁则荣，不仁则辱。今恶辱而居不仁，是犹恶湿而居下也。如恶之，莫如贵德而尊士，贤者在位，能者在职；国家闲暇，及是时，明其政刑。虽大国，必畏之矣。

——《孟子·公孙丑上》

《诗》云：『迨天之未阴雨，彻彼桑土，绸缪牖户。今此下民，或敢侮予？』孔子曰：『为此诗者，其知道乎！能治，其国家，谁敢侮之？』今国家闲暇，及是时，

般乐怠教，是自求祸也。

——《孟子·公孙丑上》

尊贤使能，俊杰在位，则天下之士皆悦，而愿立于其朝矣。市，廛而不征，法而不廛，则天下之商皆悦，而愿藏于其市矣。关，讥而不征，则天下之旅皆悦，而愿出于其路矣。耕者，助而不税，则天下之农皆悦，而愿耕于其野矣。廛，无夫里之布，则天下之民皆悦，而愿为之氓矣。信能行此五者，则邻国之民仰之若父母矣。

——《孟子·公孙丑上》

人皆有不忍人之心。先王有不忍人之心，斯有不忍人之政矣。以不忍人之心，行不忍人之政，治天下可运之掌上。

——《孟子·公孙丑上》

仁义充塞，则率兽食人，人将相食。

——《孟子·滕文公下》

离娄之明，公输子之巧，不以规矩，不能成方圆；师旷之聪，不以六律，不能正五音；尧舜之道，不以仁政，不能平治天下。

——《孟子·离娄上》

上无道揆也，下无法守也，朝不信道，工不信度，君子犯义，小人犯刑，国之所存者幸也。

——《孟子·离娄上》

上无礼，下无学，贼民兴，丧无日矣。

——《孟子·离娄上》



三代之得天下也以仁，其失天下也以不仁。国之所以废兴存亡者亦然。天子不仁，不保四海；诸侯不仁，不保社稷；卿大夫不仁，不保宗庙；士庶人不仁，不保四体。今恶死亡而乐不仁，是犹恶醉而强酒。

——《孟子·离娄上》

天下有道，小德役大德，小贤役大贤；天下无道，小役大，弱役强。

——《孟子·离娄上》

孔子曰：『仁不可为众也。』夫国君好仁，天下无敌。

——《孟子·离娄上》

民之归仁也，犹水之就下，兽之走圯也。

——《孟子·离娄上》

故为渊驱鱼者，獯也；为丛驱爵者，鹯也；为汤武驱民者，桀与纣也。今天下之君有好仁者，则诸侯皆为之驱矣。虽欲无王，不可得已。

——《孟子·离娄上》

君子平其政，行辟人可也，焉得人人而济之？故为政者，每人而悦之，日亦不足矣。

——《孟子·离娄下》

不信仁贤，则国空虚；无礼义，则上下乱；无政事，则财用不足。

——《孟子·尽心下》

经正，则庶民兴；庶民兴，斯无邪慝矣。

——《孟子·尽心下》

庖人虽不治庖，尸祝不越樽俎而代之矣。

——《庄子·逍遥游》

古之至人，先存诸己而后存诸人。所存于己者未定，何暇至于暴人之所行！

——《庄子·人间世》

明王之治，功盖天下而似不自己，化贷万物而民弗恃。

——《庄子·应帝王》

今世之仁人，蒿目而忧世之患；不仁之人，决性命之情而饕富贵。

——《庄子·骈拇》

必服恭俭，拔出公忠之属而无阿私，民孰敢不辑！

——《庄子·天地》

官施而不失其宜，拔举而不失其能，毕见其情事而行其所为，行言自为而天下化。手挠顾指，四方之民莫不俱至，此之谓圣治。

——《庄子·天地》

简发而栉，数米而炊，窃窃乎又何足以济世哉！

——《庄子·庚桑楚》

为天下者，亦奚以异乎牧马者哉！亦去其害马者而已矣！

——《庄子·徐无鬼》